

بِسْمِ اللّٰهِ الرَّحْمٰنِ الرَّحِيْمِ

আমাদের প্রাণপ্রিয় ইমাম হ্যরত খলীফাতুল মসীহ আল খামেস (আই.) গতকাল ৭ই জুন, ২০১৯ টিলফোর্ডের ইসলামাবাদহ মসজিদে মোবারক থেকে পুনরায় মহানবী (সা.)-এর বদরী সাহাবীদের স্মৃতিচারণমূলক ধারাবাহিক খুতবা আরম্ভ করেন।

হ্যুর (আই.) বলেন, আজ থেকে পুনরায় বদরী সাহাবীদের স্মৃতিচারণ শুরু করব। আজ যে সাহাবীদের স্মৃতিচারণ হবে তাদের মধ্যে প্রথমজনের নাম হল, হ্যরত আব্দুল্লাহ বিন তারিক (রা.), ইবনে হিশামের মতে তিনি বালঙ্গি গোত্রের সদস্য ছিলেন। হ্যরত মুআওব বিন উবায়েদ (রা.) তার সৎভাই ছিলেন; তারা দু'ভাই একসাথে বদর ও উহুদের যুদ্ধে অংশ নেন ও একসাথেই রাজ'স্টি-র মর্মান্তিক ঘটনায় শাহাদাতও বরণ করেন।

হ্যুর (আই.) এখানে রাজ'স্টি-র ঘটনাও সংক্ষেপে বর্ণনা করেন। মদীনায় হিজরতের পর মহানবী (সা.)-এর কাছে চতুর্দিক থেকেই কাফিরদের বিভিন্ন ষড়যন্ত্র ও আক্রমণের চেষ্টার খবর পৌছতে আরম্ভ করে, উহুদের যুদ্ধের পর তো কাফিররা আরও দুঃসাহসী ও হঠকারী হয়ে উঠেছিল। এজন্য মহানবী (সা.) চতুর্থ হিজরির সফর মাসে হ্যরত আসেম বিন সাবেতের নেতৃত্বে দশজন সাহাবীর সমন্বয়ে একটি দল প্রস্তুত করেন যেন তারা গোপনে মুক্ত গিয়ে কুরাইশদের কর্মকাণ্ডের ব্যাপারে খবর নিয়ে আসতে পারে। কিন্তু তাদের যাত্রা করার আগেই আয়ল ও কারা গোত্রের কিছু লোক তাঁর (সা.) কাছে এসে নিবেদন করে যে, তাদের গোত্রের অনেকেই ইসলাম সম্পর্কে জানতে আগ্রহী, তাই তাদের সাথে কয়েকজন মুসলমানকে পাঠানো হোক যেন তারা তাদের গোত্রের কাছে ইসলামের প্রচার করেন। মহানবী (সা.) তখন এই প্রস্তুতকৃত দলটিকেই তাদের সাথে প্রেরণ করেন। কিন্তু পরে বুর্বা গেল, এরা আসলে বনু লেহহিয়ানের কথায় মিথ্যা বলে মুসলমানদের হত্যার উদ্দেশ্যে সেখানে নিয়ে গিয়েছিল। অতঃপর রাজ'স্টি নামক স্থানে পৌছার পর বনু লেহহিয়ানের ২০০জন সশস্ত্র যোদ্ধা তাদের ওপর আক্রমণ করে বসে। সাহাবীরা তবুও কাছের একটি টিলার ওপর উঠে যুদ্ধের প্রস্তুতি নেন। কাফিররা তাদেরকে নীচে নেমে এলে হত্যা করা হবে না মর্মে মিথ্যা আশ্঵াস প্রদান করে, কিন্তু হ্যরত আসেম বিন সাবেতে তাদের কথা বিশ্বাস করেন নি। তখন কাফিররা আক্রমণ করে আর তাদের সাথে লড়াইয়ে হ্যরত আসেমসহ সাতজন সাহাবী শহীদ হন। বাকি ছিলেন হ্যরত খুবায়ব বিন আদী, হ্যরত যায়েদ বিন দাসেনা ও হ্যরত আব্দুল্লাহ বিন তারিক; তাদেরকে কাফিররা পুনরায় আশ্বাস দিলে তারা যুদ্ধ বন্ধ করে নিচে নেমে আসেন। কিন্তু কাফিররা বিশ্বাসঘাতকতা করে তাদেরকে সাথে সাথে বেঁধে ফেলে। একটি বর্ণনামতে হ্যরত আব্দুল্লাহ বিন তারিক কৌশলে নিজের বাঁধন খুলে তরবারী হাতে তুলে নেন, তখন কাফিররা তাকে পাথর ছুঁড়ে শহীদ করে; আরেক বর্ণনামতে তিনি কাফিরদের সাথে এক পা-ও এগোতে অস্তীকার করেন বিধায় তারা কিছুক্ষণ চেষ্টা করার পর তাকে সেখানেই শহীদ করে আর অন্য দুজনকে দাস হিসেবে বিক্রি করে দেয়।

অপর সাহাবী হলেন, হ্যরত আকিল বিন বুকায়র (রা.), তিনি বনু সাদ বিন লায়স গোত্রের সদস্য ছিলেন। তার পিতার নাম বুকায়র, কেউ কেউ আবু বুকায়রও লিখেছেন। তারা চার ভাই—

হ্যরত আকিল, হ্যরত আমের, হ্যরত আইয়াস ও হ্যরত খালেদ— সবাই একসাথে দ্বারে আরকামে ইসলাম গ্রহণ করেন; তারাই ছিলেন দ্বারে আরকামে প্রথম ইসলাম গ্রহণকারী। তারা চারজনই একসাথে নিজেদের পুরো পরিবার নিয়ে মদীনায় হিজরত করেন। হ্যরত মুবাশ্বের বিন আব্দুল মুনয়ের (রা.)-এর সাথে হ্যরত আকিলকে ভাত্তুবন্ধনে আবদ্ধ করে দিয়েছিলেন মহানবী (সা.); তারা দু'জনই বদরের যুদ্ধে শহীদ হন। তারা চার ভাই-ই একসাথে বদরের যুদ্ধে অংশগ্রহণ করেছিলেন। হ্যরত বেলাল (রা.)'র স্ত্রী তাদের বোন ছিলেন।

পরবর্তী সাহাবী হলেন, হ্যরত যায়েদ বিন হারসা (রা.)। তার পিতার নাম হারসা বিন শারাহিল। তিনি বনু কুয়া'আর সদস্য ছিলেন, যা ইয়েমেনের খুব সন্ত্রাস একটি পরিবার ছিল। হ্যরত যায়েদ ছোটবেলায় মায়ের সাথে নানাবাড়ি যাবার পথে কতিপয় ডাকাত তাকে অপহরণ করে উকায়ের বাজারে দাস হিসেবে বিক্রি করে দেয়। মুক্তির হাকিম বিন হিদাম তাকে ক্রয় করেন ও নিজের ফুফু হ্যরত খাদিজা (রা.)-কে উপহার হিসেবে প্রদান করেন। একটি বর্ণনামতে যখন তাকে মুক্ত আনা হয়, তখন তার বয়স ছিল মাত্র ৮ বছর। হ্যরত খাদিজা (রা.) পরে যায়েদসহ তার সকল দাসই মহানবী (সা.)-কে উপহার দিয়ে দেন, আর তিনি (সা.) সবাইকেই মুক্ত করে দেন। অন্যরা চলে গেলেও হ্যরত যায়েদ তাঁকে ছেড়ে যেতে রাজি হন নি, বরং তাঁর (সা.) স্নেহ ও ভালোবাসার টানে তাঁর কাছেই থেকে যান। তার পিতা হারসা ছেলে হারিয়ে যাওয়ায় খুব দুঃখ পেয়েছিলেন ও তাকে অনেক খুঁজেছিলেন। এর মধ্যে হজ্বের সময় বনু কালব গোত্রের কয়েকজন লোক মুক্ত আসলে যায়েদকে চিনতে পারে। যায়েদ তাদের মারফত নিজ পরিবারের কাছে খবর পাঠান যে, তিনি কা'বা শরীফের কাছে একটি সন্ত্রাস পরিবারের সাথে খুব ভালোভাবে আছেন, তারা যেন তার জন্য দুশ্চিন্তা না করেন। যখন তার পরিবার এই খবর পায়, তখন তার পিতা ও চাচা কা'ব মুক্ত ছুটে আসেন এবং মহানবী (সা.)-এর কাছে মূল্যের বিনিময়ে তাকে মুক্ত করে দিতে অনুরোধ জানান। মহানবী (সা.) তো তাকে পূর্বেই মুক্ত করেই দিয়েছিলেন, তারপরও তিনি যায়েদকে দেকে তার মতামত জানতে চান; তখন যায়েদ নিজ পিতা ও চাচার সাথে যেতে অস্থীকৃতি জানান। তারা দু'জন যখন যায়েদকে বলেন যে, তোমার মা অসুস্থ, ছেলে হারানোর বেদনায় কাঁদতে কাঁদতে তিনি দৃষ্টিশক্তি হারিয়ে ফেলেছেন। একথা শোনার পরও হ্যরত যায়েদ তাদের সাথে নিজ বাড়িতে ফিরে যেতে অস্থীকৃতি জানান আর বলেন, আপনারা আমার অনেক প্রিয় ও আপনজন; কিন্তু তাঁর (সা.) সাথে আমার যে বন্ধন তৈরি হয়েছে, তা আমি ভাঙ্গতে পারব না। মা অসুস্থ শুনে আমার অনেক কষ্ট হয়েছে, কিন্তু তাঁর অর্থাৎ মহানবী (সা.)-এর কাছ থেকে বিচ্ছিন্ন হলে আমি বাঁচতে পারব না। যায়েদের এই কথা শুনে মহানবী (সা.) তাকে নিয়ে কা'বা গৃহের চতুরে যান ও ঘোষণা দেন, যায়েদ আজ ভালোবাসার যে প্রমাণ দিয়েছে, এ কারণে আজ থেকে সে আমার ছেলে। এটি দেখে যায়েদের পিতা ও চাচা খুশিমনেই বাড়ি ফিরে যান। তার বড় ভাই হ্যরত জাবালাও একবার তাকে নিয়ে যেতে এসেছিলেন, কিন্তু যায়েদ তখনও যেতে সম্মত হন নি; পরবর্তীতে জাবালাও বলতেন যে, যায়েদ একদম সৃষ্টিক কাজ করেছিলেন। মহানবী (সা.) তাকে গভীরভাবে ভালোবাসতেন, আর তার ছেলে

উসামাকেও খুবই ভালোবাসতেন। মহানবী (সা.)-এর সাহাবীদের মধ্যে একমাত্র তার অর্থাং হ্যরত যায়েদ (রা.)'র নামই স্পষ্টভাবে হ্বহ কুরআনে উল্লেখিত হয়েছে।

আব্দুল্লাহ বিন উমর (রা.) বলেন, মহানবীর ঘোষণার পর আমরা যায়েদকে যায়েদ বিন মুহাম্মদ বলে ডাকতাম, যতক্ষণ না কুরআনে এমনটি করার ব্যাপারে অর্থাং পালক পুত্রকে উত্তরাধিকারী সাব্যস্ত করার ক্ষেত্রে নিষেধাজ্ঞা নাযিল না হয়। হ্যরত উমর (রা.)-এর খিলাফতকালে হ্যরত যায়েদের পুত্র হ্যরত উসামার ভাতা নিজ পুত্র আব্দুল্লাহর চেয়ে বেশি ছিল। আব্দুল্লাহ স্থীয় পিতা হ্যরত উমর (রা.)-কে এর কারণ জিজ্ঞাসা করলে তিনি বলেন, উসামাকে মহানবী (সা.) তোমার চেয়ে বেশি ভালোবাসতেন, আর তার বাবাকে (অর্থাং যায়েদকে) তোমার বাবার চেয়ে (অর্থাং হ্যরত উমর) বেশি ভালোবাসতেন। বিভিন্ন হাদীসে বর্ণিত হয়েছে যে, মহানবী (সা.) স্বয়ং তাকে বলেছেন, তুমি আমার বন্ধু ও আমারই অংশ, লোকদের মধ্যে তুমি আমার সবচেয়ে প্রিয়। হ্যরত আলী (রা.) বর্ণনা করেন, হ্যরত যায়েদ বিন হারসা পুরুষদের মধ্যে সর্বপ্রথম ইসলাম গ্রহণকারী ও নামায আদায়কারী ছিলেন। কেউ কেউ বলেন, পুরুষদের মধ্যে সর্বপ্রথম হ্যরত আবু বকর ইসলাম গ্রহণ করেন, কেউ হ্যরত আলীর নামও বলেন, আবার কেউ হ্যরত যায়েদের নাম বলেন। হ্যরত মির্যা বশীর আহমদ সাহেব (রা.)-এর সহজ সমাধান দিয়েছেন; তার মতে এই বিতর্ক অর্থহীন, কারণ আলী ও যায়েদ মহানবী (সা.)-এর পরিবারের সদস্য ছিলেন এবং সভানদের মতই তাঁর (সা.) সাথে থাকতেন। তারা তো জানামাত্রই গ্রহণ করবেন—এটিই স্বাভাবিক, বরং তাদের তো মৌখিক ঘোষণা দেয়াও আবশ্যিক ছিল না; তাই তাদের নাম মাঝখানে আনাটাই অর্থহীন। বাকি যারা রয়েছেন, তাদের মধ্যে বুদ্ধিমান, অভিজ্ঞ এবং জ্ঞানী হিসেবে নিঃসন্দেহে হ্যরত আবু বকর (রা.) ছিলেন প্রথম মুসলমান।

নবুওয়তের ১০ম বছরে মহানবী (সা.)-এর তায়েফ সফরের সময়ও হ্যরত যায়েদ (রা.) তাঁর (সা.) সফরসঙ্গী ছিলেন। যখন তায়েফের নেতাদের উক্ফনিতে শহরের বাউভুলে দল তাঁর (সা.) ওপর পাথর ছুঁড়ে মারছিল আর মহানবী (সা.) সেগুলোর আঘাতে ক্ষত-বিক্ষত হচ্ছিলেন, তখন যায়েদ যথাসাধ্য চেষ্টা করছিলেন যেন সেসব ছুঁড়ে মারা পাথর মহানবী (সা.)-এর গায়ে না লেগে তার গায়ে লাগে। এর ফলে তার মাথায়ও অনেক আঘাত লেগেছিল।

হ্যুর বলেন, হ্যরত যায়েদের ব্যাপারে আরও অনেক বর্ণনা রয়েছে, পরবর্তী খুতবায় তা বর্ণনা করা হবে, ইনশাআল্লাহ্।

[প্রিয় শ্রোতামগুলি! হ্যুরের খুতবা সম্পূর্ণ শোনার কখনোই কোন বিকল্প নেই, আমরা সময়ের প্রতি লক্ষ্য রেখে খুতবার সারমর্ম উপস্থাপন করছি মাত্র। আপনাদেরকে হ্যুরের পুরো খুতবাটি শোনার অনুরোধ রইল। হ্যুরের খুতবাটি পুরো শুনতে পাবেন আমাদের এমটিএ'র নিয়মিত ওয়েবসাইট অর্থাৎ, www.mta.tv এবং আমাদের ওয়েবসাইট www.ahmadiyyabangla.org -এ]

আসসালামু আলাইকুম ওয়া রহমাতুল্লাহি ওয়া বারাকাতুহ।

